



博物新編

集

= 1
167
1



五  
145

東京大学  
理学部  
図書

門  
167  
卷

醒  
藏  
書

博物新編二集目錄

地氣論

氣機節  
養氣  
炭輕二氣  
輕氣球

風雨鍼  
輕氣  
礦強水  
物質物性

寒暑鍼  
淡氣  
備強水

風論  
炭論  
備強水

熱論

三質遞變  
汽櫃  
輪撥

蒸汽櫃  
冷水櫃  
汽尺

火輪車  
火爐  
汽制

水餓  
水輾

水質論

漕運  
山水

泳氣鐘

却水衣


海水

光論

目錄

明治廿九年八月六日  
大分  
大分

忠  
信  
堂



抽氣機圖

罩玻璃

內有數門  
氣出入則  
啟閉

幹

罩內無氣錢毛齊落

氣機筒圖

玻璃罩

抽氣機圖

此圖同上特拆開使人  
見其內具耳

鐘無聲

罩無氣

銅圓盒

魚反肚

罩無氣


電氣論

空中巨人  
日暈月暈  
光分遠近

空中船像  
虹霓  
鹹汐光


海市蜃樓  
光射之速  
磷光

空橋  
光射斜直  
蟲光




風雨表

玻璃筒中是水銀




寒暑鐵圖

論熱見狀三




四銅鏡約二丈火力圖

論熱見




此二物本能相合熱則鐵質聚大不能復合矣

論熱見




砵內有水銀熱則鎔升與鐵質均稱



風雨鐵



此是玻璃筒

水銀




風雨鐵


圖球氣輕




球氣輕



抽繩起石圖




巨傘合圖



圖傘巨




燭烟下墜圖




天平反常

罩內無氣




兩車受風不同左車旋得久右車歇得快

蒸養氣法




蒸氣法




煤窟燈籠圖

煤窟甚多炭氣遇火即焚  
燈籠須用鐵的因鉄接熱  
易而散熱亦易也



圖甌

桶中以冷水浸之



博物新編一集

英國醫士合信著

地氣論

タル

大地體圓如橙其外有氣以環遶之如蛋白之包裹其黃也自  
地而上高約一百五十里人物皆處其中若魚類之在水魚賴  
水以長人藉氣以生魚不能離水人不能離氣其理相同第其  
爲氣有數種合而言之曰生氣分而言之曰養氣曰淡氣曰濕  
氣曰炭氣皆可以法較辨之是氣雖無形無味其實乃地上一  
物也氣之爲色青而藍凡晴空無雲仰望蒼然者乃氣之色非  
天之色氣愈遠愈高則其色愈藍愈近愈薄則其色愈淺淺甚

風ハ別ニシテ氣ノ動搖  
ナリ

北五里ニテ  
タル

則玲瓏不見時遙望遠山見藍影模糊亦氣之色如觀滄海水  
 深則色綠愈深則色蒼其理亦此耳顧其為氣與地上雜物之  
 氣不同蓋雜物之氣乃日蒸水漚而成生氣則肇自開闢有天  
 地即有是氣矣然是氣之力其勢甚重比如四方一寸番人一  
唐尺  
 八分番以尺自地起上至氣盡處計其壓下之力勢重一十五  
 二寸為尺如以十五磅之物壓之人為氣所包羅而不覺  
 磅錢為一磅兩六如以十五磅之物壓之人為氣所包羅而不覺  
 氣壓之重者却因上下週圍均同如水之渾浸身體人自不覺  
 其勢耳試將氣與水及水碾スル互較均以四方一寸為度水高三  
 十四尺以番尺計水碾高三十寸以番寸計氣高一至盡處者其力悉  
 敵西國風雨バルモイ鐵之製亦因較此而知也惟水之力人能散之而

上卷內外誤

不能縮之氣之性人能散之使開復能逼之使縮風鎗之類是  
 也今將氣力之據畧言於後凡以兩物相並之處密貼無隙勿  
 使洩氣則兩物可以粘連不脫西國孩童用一牛皮大如手掌  
 以繩繫皮背以水濕皮底然後將皮底貼於石上以掌壓之務  
 使相粘之處外氣不能入則皮與石相連可以抽繩而起石或  
 用一茶盃以水滿之將一厚紙蓋於盃上用手略壓少頃使水  
 與紙相連無隙洩氣則倒持其盃水亦不出何也是因相貼之  
 處無氣而上下週圍被外氣所壓托故也今試用一小樽以口  
 撮出樽中之氣可使樽粘於唇舌之間或用一米筒以少紙焚  
 於筒中使火推出筒中之氣急將筒口附於身上軟肉之處則

筒粘於肉上亦即此理。嘗有棺匠相戲使其伴入棺偃臥試將其蓋以掩之少選力拔其蓋不能起大懼無所措手遇有識者急令以鑽穿其數孔使外氣透入然後能移其蓋見其人昏迷僵臥良久方蘇蓋棺中生氣已被其人吸盡而呼出之氣內外冷熱輕重不同故其蓋為外氣所壓伏也。比如有玻璃盃兩個一大一小大者滿載以水然後倒持小者以盃口向水而內之則小盃之中水不能入是其內有氣拒水之故。然近地面則其氣厚而力大去地漸高則氣漸薄而力減。西域有人乘輕氣球以凌空者嘗攜兩樽至空際然後以木柱塞之至地時將一樽倒持入水水入樽中者半又將一樽與地面之氣互相較驗見

其質性無少差異特其力稍薄耳。

地上生氣中分數類比如以生氣一擔其內有養氣二十一斤淡氣七十九斤二氣常相調和頤養萬類養氣者中有養物其性濃烈故必有淡氣以淡之濃淡得宜方為中和之氣炭氣者其性有毒與炭同類一出于人之呼吸一出于火之焚燒在生氣中不過千分之一凡有血肉之類獨吸炭氣則死惟草木花卉則反藉炭氣為茂欲知其理者請看全體新論此書本館有刻若濕氣則以陰晴為多少不能以一例而定。

氣機筒 或稱為抽風之器。

筒以銅為之形畧如水筒粵東方言曰水櫛其法即中華風鎗抽風之

具而機巧過之。但風鎗抽氣使入，機箭抽氣使出，用法特相反耳。西國自有氣機箭之法，博物者日以測氣漸知地氣之大用。嘗用一玻璃圓罩罩于桌上，以機箭抽出罩內之氣，內以鳥獸鳥獸立弊內，以鱗介鱗介漸死，內以花而花不開，內以火而火熄滅，內以鐘鼓擊撞無聲，內以磁石攝鐵無力，內以流螢而不見光，內以火藥而不焚，熱內以熱物而熱不能傳，內以杯水而水急化氣，然更有奇異于此者。凡欲秤氣質之輕重，驗氣性之舒縮，試氣勢之壓托，測氣力之功用，皆可以此法辨之。比如用玻璃樽一個，將氣機箭抽出樽內之氣，然後以戥秤驗，必較未抽氣之樽輕減數分，此秤氣之據也。若用一樽以木栓塞固其

弊皆作弊

口，放入玻璃罩裡，然後以機箭抽出罩內之氣，則木栓突然彈出。蓋因罩內空虛無氣，不能壓托木栓，故樽中之氣溢出，以散補其外也。又用一樽倒持其口，置之水面，水不能入，苟以機箭抽出樽中之氣，水即射入以盈其缺。凡猪羊膀胱有水則脹，無水則扁，人所同見。若放出其水，用線細繫其口，置之罩內，以銀錠壓之，然後用機箭抽出罩內之氣，則膀胱復脹，銀錠跌下，是膀胱之扁乃外氣壓之。若使外無氣壓，則其內畧有微氣，亦必舒散欲出，故重物亦不成力。此氣舒縮之據也。又將一金錢一鷄毛同置于玻璃罩頂，以機箭抽出罩內之氣，然後放之，則金錢與鷄毛一時齊下。蓋金錢體重，理應跌快，鷄毛體輕，理應跌



慢乃一時齊下者因無外氣壓托之故又用一鉛鈕其重二錢用一木塊亦重二錢一置于天平盤左一置于天平盤右則二物必均重無偏若將天秤置之罩內然後以機筒抽出罩內之氣則木塊必偏重下垂何也是因鉛鈕體小木塊體大彼此受外氣壓託之力不同若無氣可壓託故體大者重又以銅製一圓盒必須上下均大若橘柚之破邊然盒之底面皆製一圓環耳柄比如盒內直徑闊約六寸則盒外每邊周圍皆有二十八寸登方每一寸登方應受外氣壓托之力一十五磅今以二十八寸登方疊算應受氣力四百二十磅以盒之體其大不過如橘若使內外有氣雖孩童亦可隨意開合若使以機筒抽出盒

其力相敵據洋書考之蓋使其力勝之之意

內之氣則勇夫亦不能開之何也蓋盒內空然無氣而盒外每邊四百二十磅氣之力得以壓之也開之之法必須以繩懸掛盒之上環其下環則以四百二十磅之物墜之務使其力相敵方可開離是一定之理焉其初識是理之人曾以銅製一大盒直徑闊三尺將機筒抽出其氣持獻于王王命二十馬繫而牽之其盒亦不能開云又燒一燭置于玻璃罩內俟燭熄滅烟必上騰若抽出罩內之氣烟亦下墜又以四方玻璃確放于玻璃圓罩之內以機筒抽出罩內之氣則方確立即迸碎若獨抽出方確之氣方確亦自迸碎彼二物均以玻璃為之然方者碎而圓者存何也蓋方物四面着力圓物旋轉自如此化工之妙造

凡日月星辰地球皆爲圓體亦此理也此氣勢壓托之據若以鼠雀放入罩裡以機筒抽出其氣鼠雀亦必喘死又以線繫蝴蝶懸于罩中則蝴蝶四圍飛撲將機筒抽出罩內之氣蝶雖振翅而不能飛復放氣入始能飛撲如常凡柑橙平菓之類摘下日久則皮壳縮繆若放入罩裡以機筒抽去其氣則橙菓復脹如新摘時綠菓外無氣而菓中本來之氣溢出故耳又魚類腹中皆有氣胞故能浮游水面若以杯水養魚一尾將杯放入罩裡然後抽出罩裡之氣則魚漸反肚向天是因杯外無氣而水中之氣散補于外令其內胞元氣欲出無路故內胞發脹異常魚苦不能當則無力而反肚矣此氣力功用之據

### 風雨鍼

風雨鍼者以玻璃製一小筒大如筆管長約二尺五寸上塞下通筒中以平滑爲貴另製一圓甌大如茶盃先以頂淨水碾一兩水碾不淨即不應驗內于甌中再將玻璃筒實以水碾然後插入甌裡則筒中水碾與甌裡水碾相連豎而直之筒內水碾定必瀉下數寸自與地氣之力相稱乃將筒甌懸于板上畫刻度數以驗之視水碾高低爲風晴雷雨之候百不失一蓋地氣乃流動之物或輕或重或升或降隨時更改風雨鍼之能自行上落者實因筒內水碾之上空無氣入而甌中水碾能被外氣逼壓故隨其輕重以或升或降也然一升一降不過二寸四分西國風雨

鍼之例、以三十度爲平和、或風雨雷雪之時、則有二十九度者、或二十八度者、或過三十度者、各方氣候、每日更變不同、水碓升降亦小差異、以地球而論、在赤道之中、水碓升降最少、赤道迤南迤北、水碓升降無常、故驗雨驗風、不能以一例而定、是在善用者之能隨地辨氣耳、茲以西國較準之候、畧列於左、若在西國分十度數與中國不無少異也、

一 凡夏天水碓畧降、必報風雨、水碓大降、不報大風、必報大雨、水碓降甚、則主大颶、水碓驟降、多主甚雨、或報大雷、若酷暑之時、水碓下降、定有迅雷。

一 凡春秋冬三季、水碓驟降、則報烈風、或報大颶。

一 凡冬天、水碓上升、必報暴冷、冷極仍升、則報釀雪、雪時水碓下降、則報雪消、久旱水碓驟降、必報雨、雨時仍降、則主颶。

一 凡水碓下降、必報有雨、雨時水碓驟升、則晴不久、驟升而仍有雨、方得久晴、若天晴之時、水碓畧降、當有微雨、降甚而慢、不報大雨、則報大風、或升降不定、則晴雨不時、在風雨之後、北風送爽、天有漏光、水碓漸上、必大晴霽。

凡人攜風雨鍼登山、可知山之高數、比如在山頂、水碓低降一寸、此山高平地千尺、嘗有人乘輕氣球凌空、水碓低降八寸、以此推算、始高一十二里矣、西國有禮拜堂、樓高四百尺、風雨鍼比平地常低四分、蓋生氣離地漸遠、其力漸薄、不能如

在平地壓逼之重也。

風雨鍼之為用其功甚大。海客農夫當以是為至寶。場圃有善識風雨鍼之人。從無漂麥漚芽之事。海船有善識風雨鍼之客。從無檣折帆沉之慘。有某船駛行南洋。時日將夕。天色清明。空無纖翳。舟子唱晚。管絃甚樂。忽聞船主疾呼收帆。舟子領命而竊怪之。整頓甫畢。颶風大起。船蕩欲覆。幸無檣帆重累。以是獲免。實賴風雨鍼早報之力也。前數十年。葡萄牙國又名地大震。屋宇盡行傾塌。附近鄰國亦皆震動。未震之前。風雨鍼降三寸之下。此為最大之報兆矣。

寒暑鍼

寒暑鍼者。以玻璃為筒。長數寸許。狀如筆管。上通下塞。下有圓胆。中貯水。硯其入水。硯之法。先以燈火炙熱圓胆。則筒中之氣漸行散出。乃以指頭掩壓筒口。俟圓胆復冷。即將筒口蘸入水。硯之中。然後移開指頭。水硯即由筒口走入胆裡。務以滿至半筒為止。再以燈火炙熱圓胆。令水硯受熱上升。升滿筒中。即以吹筒向火吹。鑿其口。如打銀匠以吹筒向火鑿銀之法。再俟筒體復冷。水硯復降如初。方可懸於板上。畫刻分寸。以驗寒暑。蓋水硯質性浮柔。遇熱則鎔而上升。遇冷必凝而下墜。以英國寒暑鍼分寸而論。佛囉西國分寸不同。此係隨人心意測較。凡河冰水結之時。水硯行至三十二分。行漸高。天時漸熱。若論粵省風氣。嚴寒行至四十分。盛暑行至九

十分、英國風氣嚴寒行至二十餘分、盛暑行至七十六分、近赤道各國風氣爲最熱、盛暑有行至百分者、南極北極風氣爲最冷、嚴寒有行至無分者、以人身本熱而論、九十六分爲平和、一百十二分爲病熱、以水質而論、滾酒之熱一百七十六分、滾水之熱二百一十二分、滾水碾之熱六百分、他如炕麵焗爐四百分、焚物之熱一千分、熱之最甚者也。

風論

地氣受日熱之蒸、輕而上騰、他處之氣流動以補其缺、謂之曰風、如深盤心之水、盤旁水即流動以填其空也、其行有徐有疾、日夜不停、時每兩點鐘而行六里者、人物不覺、水雲不動、

時而行三十里者、和暢宜人、水紋烟捲、一時而行百里者、松竹有聲、一時而行百五十里者、芙蓉颯水、一時而行二百里者、飛燕斜退、一時而行二百五十里者、人不耐吹、一時而行三百里者、蓬飛茅展、帽落塵颺、一時而行四百里者、萬竅怒號、海波澎湃、一時而行五百里者、船沉屋爛、樹拔桅傾、一時而行六百里者、草木皆摧、鳥獸多死、飛砂走石、物無完膚、此風勢之大畧、隨在皆然者也、若在赤道迤北三十度內、四季常吹東北、迤南二十七度內、四季常吹東南、恆年不易、是因赤道永與日近、其氣受日熱上升、南北二方之氣、時常流動以補其缺、而地球向東左旋、地氣乃輕浮之物、不能隨地體速運、故其氣斜向西而流、

也、假使赤道之海、並無陸地阻隔、可以一帆順駛、轉地一週、今海客在赤道海之南北、名其風為恆信風、俗又呼為貿易風、皆以其四季不易之故、然其風在水面則然、若在陸地則不然、如中國、指粵江浙、印度國、緬甸國暹羅國、越南國、皆在赤道迤北三十度之內、而暑天則吹南風、寒天則吹北風、何也、蓋赤道迤北多陸地、地面之氣熱于水面之氣、且夏季北極朝日、其地為尤熱、熱則氣輕而上升、故海風自南來補其缺、若冬季則南極朝日、北極陰寒、故朔風自北而來以補其空、至赤道四五度而止、此夏朔風不過南半球也、此夏南冬北之原由也、海外諸島、地處赤道之中、自己至西、常吹海風、自戌至辰、常吹陸風、亦因晝日陸熱于水、故風從水至、夜時

水熱于陸、故風從陸來、皆此理也。

養氣 又名生氣

養氣者、中有養物、人畜皆賴以活其命、無味無色、而性甚濃、火藉之而光、血得之而赤、乃生氣中之尤物、西人有數法以取之者、其一用一玻璃長筒、內三仙丹于其中、以火炙之、即有養氣升出、聚于筒內、試以生物、大有可觀。

輕氣 或名水母氣

輕氣生于水中、色味俱無、不能生養人物、試之以火、有熱而無光、其質為最輕、輕于生氣十四倍、每一百寸登方、其重三釐而已、西人製取之法、有二、其一用鐵筒一個、筒中實以鐵碎、炕之

以火便有濕汽走入筒中其濕汽之內原有養氣一分輕氣二分養氣遇熱即蝕入鐵質輕氣遇熱即透筒而出若接以樽確可以留而待用其一將大樽一箇貯以清水浸精錡數片鐵片亦可入磺強水解見下篇調之亦有輕氣生出西國輕氣球多以此法製造

淡氣

淡氣者淡然無用所以調淡生氣之濃者也功不足以養生力不足以燒火其取之之法以玻璃樽貯水少許浮之以盃燒片紙于盃中則養氣為火所化樽中只剩淡氣而已又法用銅筒一個實以銅碎炕如取輕氣之法亦有淡氣生出

炭氣

炭氣蓋炭酸氣

炭者何煙煤之質火燼之餘氣之最毒者也究其所自來乃養氣經用之後混毒氣于其中實養氣之無精英者其質為最重重于生氣三數倍其取之之法用花石數片以清水浸于樽中調以鹽強水解見下篇自有炭氣生出或用石灰調磺強水亦有之凡人呼出之氣亦曰炭氣燒灰爐所出之氣亦曰炭氣密聚不通風皆足以殺人嘗有一老屋中有枯井甚深浚井之下入者輒死初疑為毒妖有博物者知其內有炭氣絕試以火火立熄滅遂設法內引生氣入者始無恙蓋久無居人其炭氣質重下墜不散故也西國之寶以金鋼石為至貴其體堅莫能陷然亦

清炭之凝質焉耳

炭輕二氣

輕氣之性易燒炭氣之性光焰合二氣而焚之則火色清白而明勝於焚膏點蠟實用大而價廉以是西人有賣氣為生涯者近日英吉利佛蘭西花旗等國皆有賣氣之行行內設一大爐中貯煤炭四圍熾火以煬之煤炭受熱則氣上騰爐上設數銅筩引導其氣氣至筩口即以火點其端光明如數十燭以筩接筩可引數里凡城中道路皆引筩點氣以代燈火輝煌如晝幾疑不夜之賊在彼貴家行店亦莫不接筩買氣用照房廊正是日暮不須傳蠟燭而輕煙已散入五侯家矣

磺強水 又名火磺油

製有二法一用瓦甕一個甕頸鑲以長玻璃筩內青礬于甕中以火煬之即有磺強水出玻璃筩滲出又法以鉛作一密爐爐底貯以清水焚硝磺于爐中使硝磺之氣重墜入水然後將水再行蒸煉一如蒸酒甑油之法務使水汽盡行升散則所存者是為磺強水矣其質如油以清而無色為貴味極酸辛力能傷肉爛物

硝強水 又名火硝油

製法用火硝一斤硫磺一斤同放于玻璃瓢內以炭火炕其瓢底即有硝磺汽由瓢蒂而出接之以確使汽冷凝為水是名火

硝恐礙誤



硝油其性烈甚滴物卽焦灼黃色力能溶化水硯

鹽強水

製法用清水生鹽同放于玻璃瓢中另用玻璃管貯蓄磺強水使其滲漬而落因人之太急以慢火炕炙瓢底令其化汽升出冷而凝水者是也性味最烈可化五金

輕氣球

輕氣詳見上文其質十  
四倍輕于地氣故名

輕氣球以綢緞爲之大如厦屋飾以膠漆用大繩結網纏罩其外球之下懸一巨傘傘之下懸一藤床大者可容二三人小者亦容一人床中備載風雨鍼寒暑鍼時辰錶千里鏡羅經沙袋餅食器具什物球之頂有窻球之足有門皆機巧活動特用以

放氣者臨用之時納金於氣行之商獨買輕氣氣商遂着伴以密桶運氣而至于是將氣放入球中務以球體將滿爲度試球時先將巨纜繫住球脚試可乃斬纜以升漸升漸高直出浮雲之上俯視山川城郭莫不見人御風橫行頃刻百里英國有慣乘球者名曰琪連胆志最壯以霄漢爲熟路雖婦穉亦識其名他凌空至高者一十三里住空至久者歷五時辰嘗于夜間縱球上升懸數百燈籠于藤床之下在地觀者如見德星聚空在球東望夜半卽見日出而下視塵寰猶漆漆然暗深不測也又嘗乘疾風橫行雲遊三國歷五千里由英吉利越海而南過佛喇西入日耳曼國亦數時耳以平常風勢而論大約一時辰可

博物新編  
行一百里、或百二十里、大風吹送、有一時而行二百五十里者、亦有行至三百里者、間有順風吹去、忽然轉風吹回者、故球上必帶風雨、鍼以驗氣候、固所以防暴颶、亦所以測高下也、凡乘球之人、必須胆大心靈、精通算法、深明氣性、方無錯悞、蓋地面之氣勢重而力厚、離地漸遠、則其力漸薄、不能壓托球體、而球中之氣漸舒、愈舒愈脹、脹甚則裂、故是時必須開窗、畧洩球中之氣、方可無虞、大約球在空際、欲其升則撒去袋中之沙、欲其下則畧洩球中之氣、或升或下、皆可任意施為、但不能以原處起而仍下、于原處耳、然下至地時、必須拋鏡放碇、以止其勢、因球中猶有餘力、恐其于地面縱橫飄轉、而為林木牆石所擊、西

國于縱球之先、必預日傳字通知各處、招人聚看、凡欲登場觀者、每位或收洋銀半圓、或收二錢、愈出愈巧、實天下之奇觀、而世間之最險者也、惟其事雖涉險戲、仍屬有用、或藉以測風雲、雷雨、或藉以窺營探寨、或藉以察地繪圖、嘗有某甲乘球上升、初見地上有雨、上一二里則見雹、再上一二里則見雪、又上一二里則見日光、晴明空無纖翳、而下視層雲密佈、白如棉、海時見兩雲相觸、卽覺電閃雷轟、又上數里、則天地一色、無物可見、而其人則哆口盆息、寒冷淒涼、頭腫耳聾、百般煩惱、莫可名狀、所帶飛禽小類、半已喘死籠中、是知上氣之力漸薄、而不足以養生矣、又有某乙乘球、攜白鴿飛禽于藤床中、藤床之下、再懸

博物新編  
一傘傘下復懸一笠笠中載一小犬升至半空以刀割斷床下之傘小犬墜傘漸落漸低不意大風暴發犬傘乘風復起起至球畔小犬望主驚鳴似求援救後風息傘落犬固無恙又放白鴿鴿亦不敢飛動推之使下如石墜空將近地面乃能振翼旋飛可知上氣之薄亦不足乘毛羽之輕又有某丙身為裨將與敵對營而陣不知敵勢虛實遂乘球探望約以舞旗為號比至敵營敵兵望空發鎗高不能及某丙于空指揮軍兵望旗進擊大敗敵軍又有某甲與某乙同作一球于藤床下復懸一傘一笠甲在上層乙在下層升至空中高約四里特斷下層使之上升下詎料下層傘不能開猛墜而落乙死如泥甲球亦幸然上升

起如箭急魂魄驚飛良久始定乃能放球慢落幸不至死又有某丙在空際割去氣球欲以傘乘風而下不意制傘之繩偶斷其一藤床偏墜左右擺簸某丙驚眩欲絕至地時昏不能語者數日此乃割傘之險人不樂觀然亦製作不精所致茲將球起之理畧言于後

西國氣球之始原以火氣上升若中國之孔明燈然但火氣之理不過升散球內之氣藉外氣以揚托之是其力有限而勢有盡也後博物者以此推測頓悟以重氣升輕氣必如水力之浮木遂專心作氣果得製取輕氣之法試與地氣相較兌輕于地氣者數倍于是因氣製球內輕氣于其中縱之使升竟飄然上

舉愈思愈精、初試以禽、再試以獸、皆能如法升降、然後試之以人、現製球之最大者、其中直徑闊約三丈五尺、以審以四圍上下均算、共得二萬二千尺、若滿以生氣、其重一千六百磅、滿以輕氣、其重只得二百磅、以一千六百磅之力、必能升浮二百磅之輕、故能另載器具什物、若不開放球中之氣、任其自行消洩、可以留空三日而後下焉。

物質物性論

世人以可見者為物、以不能見者為氣、孰知氣即為物、物即為氣、其理却有可憑信者、夫宇宙之內、由氣而化為物、由物而復化為氣、凡物成物敗、曾不能滅其質、但目力不及見、人自以為完盡耳、比如拾一山石、磨之使幼、雖極幼而微、亦不能盡其質、又如貯水一甌、滾之以火、雖極滾而乾、因變為氣亦不能滅其質、推而類之、則人畜金木菓穀、亦莫不然、此因造化之道也、若考夫物之本性、不外二理、一為牽合之性、牽合推一為推拒之性、拒解見

下牽合者、如金質牽合金質、漸成而為金、水質牽合水質、聚成而為水、牽引之力大、則其物力堅、牽引之力小、則其物力柔、計其極小之物、堅而韌者、莫如金箔、若以一金箔、鍍一銀線、浸以硝強水、則銀質鎔化、窺以顯鏡、便見一絕小金筒、柔而韌者、莫如蛛絲、二錢之重、可引長八百里、他如有生命之虫、其絕小者、合數千之多、不如一沙之大、然以顯微鏡窺驗、見每虫皆有身

首頭足臟腑、飲食行動、一如牛象、是為極微之物、其至大者無  
 如日月地球眾星、亦莫不具有牽引之性、月輪旋地、地力牽引  
 月輪、則月輪循行不亂、月力牽引地球、則潮水隨月而長、地球  
 旋日、日力牽引地球、則地球圍運不息、或說地球若不為日力  
 所引、則必直行而去、  
 凡地上山水人物、皆互相牽引其力、若在空中、以墜砵吊繩而  
 下、近山之處、見墜砵必偏近下山、近屋之處、見繩砵必畧近于  
 屋、又凡洋船失水、其船板桅纜、初則逐浪漂流、漸則聚浮一處、  
 雖茫無涯岸、亦必同聚海心、此乃牽引之據也、然究其牽引之  
 力、若物質平滑、則牽引牢固、試以二玻璃片貼合一處、勢必難  
 于開離、却是何故、蓋世物之質、雖極堅密平滑、以顯微鏡看之、


見其內外皆有小凹、大約凹愈小、則牽引之力愈大、試于樹上  
 摘脫一葉、則斷處必有水汁溢出、是因葉根內有小管、故能牽  
 引水質、而使之上行也、若大物質推拒之性、則惟熱為然、熱性  
 傳散  
故能使物推拒、參  
 看熱論便知其理、○凡世物之川、不外動靜兩端、動之則行、靜  
 之則止、既行而不能驟止、當止而不能驟行、亦物之原性也、夫  
 馳車騁馬之時、車驟停則輪敗、馬驟止則蹄蹶、人物皆然、試將  
 大炮向空彈擊、見其碼子初起甚捷、漸上漸慢、慢極而落、漸落  
 漸快、快極至地、猶有餘力、故能旋滾撞觸、良久方休、是為動之  
 本性、職其事者、度其性、量其力、自能百發百中、中無不擊、西國  
 有某甲、巧識物性、動靜之奧、精擊刺、善射法、某乙置平果于甲

子頭上戲之曰、聞君善射、敢于百步外射取平果、不傷乃子頭  
乎、某甲應弦射之、矢發貫果、其子猶嘻然勿覺、又有富人常乘  
駿馬、遨遊街市、好于人隊中馳馬、驚眾、會有諳馬性者、作牧語  
以喝之、馬聞驟止、富人覆跌馬前、市人皆喙然、又有貴公子、嘗  
駕小車出遊、策馬馳驅、自矜車疾、適與大輿撞、小車覆轍、公  
子翻踣車前、乃倚父勢、具控于官、官廉得其情、謂之曰、小車撞  
大車、公子仆于前、大車撞小車、公子仆于後、罰使賠償、以脩大  
車、公子慚甚而歸、又有船主自誇其艤、嘗謂有水手、上桅失足、  
適當風利帆急、傾跌船尾水中、聞者莫不竊笑、又有初識地球  
旋運之理、以爲乘輕氣球、停空、可以環觀萬國、不知地面有生


氣籠絡眾類、地運而人物亦運、如車行而人亦行、船駛而人亦  
駛、蓋世物動性、其勢本直、附物而行者、其勢亦隨之而直、故坐  
舟車者、當止而行人必跌後、驟行而止人必仆前、因受附之物  
行、其所附之物、不得不行也、然物行動之遲速、又關乎地氣攔  
阻之故、有以長薄鋼條置下玻璃罩內、以機箭抽出其氣、經三  
晝夜、鋼條猶振動不休、若在罩外、其動不過半刻耳、凡作舟車  
箭炮鐘錶諸行動之器、皆宜熟考物之動性、果得其理、物無不  
妙、惟其動之之法、有難以言語形容者也

此圖係由西人傳入，其法甚奇，且能省工省料，其法之妙，在於其能將水之熱力，變為動力，以推動輪船，其法之詳，見於此圖。


火輪機圖




汽瓶各機圖



汽櫃圖




火車輪圖



算術新編 初集 熱論

火車輪火圖



熱論 熱有大用而無形質謂之  
 物者特借字以立說耳

熱乃世上最要之物萬類皆賴以生發者使地無熱人類不成其為人物產不成其為物但其為用無形無質而見慣渾聞人自不察其理耳西國博物之上推窮其故分為六等一曰日熱二曰火熱三曰電氣熱四曰肉身熱五曰化成熱六曰相擊熱六熱出處各有不同而其功用則一也日熱者其熱來自太陽與光並行而不悖光射所至熱即隨之其勢能透清水玻璃其功能長養生類萬物是用為最鉅火熱者其熱起于焚燒之氣與光並起而不能並射燈光所及熱不隨之其數為無量其力能燼物然不能透玻璃清水之中是勢為最鉅電氣熱者乃地與氣感發



而成騰空擊擊則爲電西人能用物料以製之或用機器以撮之其行爲最捷瞬息萬里肉身熱者乃人畜魚虫血肉之本熱其勢爲有限其性爲無光與日火電同理而不同功化成熱者乃萬物變化而成如腐木成茵三質通變實質水質氣質解現下文之類相擊熱者乃二物相擊而成如鑽燧取火敲石取火之類其爲六熱總論其性實能傳而不能滅比如燒熱鐵一塊置之庭中則左右物件必沾其熱漸傳漸遠漸微務必傳勻而後已如庭中有十物以天干爲次第甲物中有百分熱必傳五十分于乙物乙物得五十分必傳二十五分于丙物丙得二十五分必以其半傳于丁丁又以半傳于戊戊又以半傳于己勢必通傳

以均此爲熱之本性歷以寒暑鍼較試而知之又如以滾水一瓶中置一二冷物少頃則冷物必與滾水同熱此皆熱性相傳之據也但各物之質剛柔不同有易傳者有難傳者有傳久者有傳暫者若以一鐵球一石球同時放入火中同時鉗出置之水內則鐵球先冷于石何也乃鐵性接熱易而出熱亦易也又用鉛一兩牛乳一兩石粉一兩三物同以火煮之則鉛熱先于粉粉先于乳又同時取出浸于三碗水中則三水各不同熱牛乳之水爲最石粉之水次之鉛水又次之何也是三物受熱多少各有不同故也世物以五金傳熱爲最易木石玻璃傳熱爲甚難若以鐵柱與木柱同焚人能把握木柱外端而不能持鐵

柱外端是爲難傳易傳之據若服用之物蚕絲傳熱爲最易其次爲麻布其次爲棉布其次爲呢絨皮裘傳熱爲最難狐皮貂獾爲上兔皮羊皮次之雀茸又次之故隆冬霜雪之候服之可以禦寒然人人知其功能禦寒而不知其非特禦寒也乃難傳熱也何也蓋人身本熱常得寒暑鍼九十六分若隆冬嚴寒天時地氣有冷至三四十餘分者則皮膚身內之熱不能散之熱散傳于外欲與人時地氣相均故必須着難傳熱之服以保護之如熱茶之以棉笠罩護其壺而不使茶之熱洩散于外也如以爲不然試于隆冬嚴寒之時赤身披掛金片重甲厚裹數層可覺身體溫暖乎抑覺身體冰僵乎夫金性易于傳熱必不能使身體

本熱之無傳是雖厚服千層熱有去路也惟棉毛傳熱爲難則皮膚本熱洩散不易故外雖寒而內煖茲更驗他據以證之凡嚴寒之時以手摸鐵器則僵以手摸羊毛則煖其故何也實因地土生氣甚冷鐵質本熱已散傳于氣中手一着鐵鐵即攝傳手中之熱以補其缺則手上着處本熱不足故覺疼冷異常惟羊毛性難傳熱雖使地氣極冷亦不易傳于外故本熱具在可以着手不驚蓋不須藉手之熱以沾補其缺也若以薄鉄一片呢絨一塊同置于焗爐之中畧歇少時則手可以拈絨而手不能拈鉄可知鉄與羊毛傳熱難易之據又以一木片一鉄片同放紙上以炭火乘之則木片必先燒化以鉄性易于接熱而

反燒遲何也蓋接熱易其出熱亦易火力未足燒其堅惟木質  
輕鬆而柔接熱難而出熱亦難接足自然燒其質是接熱固分  
難易而燒力尤別剛柔也以此推論是熱之爲性必傳若使不  
傳則人物永熱斷無消長之期矣然其力既能傳是雖無質無  
形仍爲宇宙間一物自當與冷不同夫冷猶淡也熱猶味也淡  
本虛無有味則形之冷本虛無有熱則形之是冷無物而熱有  
物如淡無物而味有物也或疑熱乃地氣所變化果爾則有氣  
始有熱無氣卽無熱矣西人嘗以氣機現氣論抽出瓶中之氣  
置熱物于瓶內其熱仍不增減便知熱與氣本屬兩物猶以味  
調水而水與味本屬兩物也或疑熱乃火中之氣果爾則有火

始有熱無火卽無熱矣何以兩手搓擦則熱生腐物濕漉亦熱  
生火于何有螢火光虫不焚物鹹汐野燐不焚物熱于何有便  
知熱非火中之氣乃聚熱合光可燒物者始呼爲火耳顧知熱  
與光原各自成其爲物乎然光之爲物人能見之熱之爲物身  
能覺之二物在日則並行人所習見二物在器亦並行人多未  
悟二物在色亦並行人尤未悟凡世上器物瑩滑可鑒者可以  
返照其熱比如庭中置一火爐爐口向南則爐中之光與熱勢  
必直射而南凡北面對爐而坐皆覺耳赤面熱者理也設有東  
面坐者使人持銅鏡向火斜照之則火熱必隨鏡光而轉射面  
東之客是熱與光在器並行之故又以銅鑄兩凹鏡圓大如鑑

闊約一尺八寸磨使瑩滑光可鑒物一懸東壁一懸西壁兩鏡相照約離二丈將熱水一確置於東鏡之前離鏡約數寸許以寒暑鍼置于西鏡之前亦離鏡數寸許則寒暑鍼自能隨熱水升降或於東鏡前置一燒紅鐵彈西鏡前置以火藥火藥立即焚燒此皆瑩物能返照外熱之據蓋光射直行熱性亦隨光直行光射返照熱性亦隨光返照凹鏡撮合光射成一尖樞熱亦隨光成一尖樞則尖樞之處聚熱甚盛故能足其焚燒之力猶如以凸玻璃照日日光透玻璃而下亦必撮合成一尖樞可於尖樞處立能取火但日熱能透玻璃火熱不透玻璃若以玻璃當中隔之則東鏡之熱即不能射于西鏡之前矣西國某港炮臺前曾用大鏡

撮取日熱燒彼敵船又五金工匠亦有用大鏡徑闊二尺四寸所映尖樞闊三分撮日代煤以鎔鐵錫等物此日火兩熱穿透所由分也凡竹夫人手燻爐錫煖婆錫茶壺之類皆以瑩滑為貴取其有返照之功自難傳散外熱耳物色亦然五色以黑色接熱為最多白色接熱為最少西人曾用五色呢絨蓋于雪上以日晒之其白色呢絨之下雪鎔甚少黑色呢絨之下其雪盡鎔緣色白可以返照其熱也故物之瑩而白者久視令人傷目焉若使天下之物盡皆白色則人人當有青盲之病化工使草木青蒼固所以護養人目也

三質迺變○三質為何虛質實質浮質也各氣為虛質堅物為實質水類為浮質天下萬類不外三質而三質皆有本熱在其

內虛質之熱爲最多、浮質次之、實質又次之、此是化工使然、但成物之後、人自不覺其熱、若必欲窮其究竟、必須毀敗其質、使變他物、方能測之、比如實質欲變浮質、必須以法加增實質之熱、浮質欲變虛質、再須加增浮質之熱、是實質添熱則爲浮、浮質添熱則爲虛、虛質減熱反爲浮、浮質減熱反爲實、此化工之妙理也、夫冰爲實質、水爲浮質、氣爲虛質、若欲以冰化水、必須使熱入冰、更欲以水化氣、再須以熱入水、是實質添熱變爲浮、浮質添熱變爲虛之據、或欲使氣復爲水、必須減少氣中之熱、如春寒則雨、至夜寒則露、落此皆地面濕氣上升、遇寒而化爲水也、凡其蒸湖海之水、騰于空、夜間地面之氣寒冷、復凝爲水、故樹葉底面皆有水滴粘着、是之謂露、所以養草木之

生、又如蒸酒之汽上升、甑頂有冷水、糟飯濕汽至甑頂、卽化爲酒、亦皆此理、或欲使水復爲冰、更須減少水中之熱、如寒天河水凝冰、露結爲霜之類是也、五金亦然、如鐵爲實質、加以火熱、鎔爲浮質、更加以熱、漸化爲氣、若當鉄鎔之際、減去火熱、漸復實質、木石亦然、木爲實質、火熱燒之、半化爲氣、半化爲灰、再以火熱逼其灰、灰亦漸化之、氣石質亦然、燒以火熱、或化爲脂、或化爲灰、再添以熱、終化爲氣、若以水入石灰、則灰水相合、散出其熱、熱散之後、復爲實質、如石肉類亦然、肉死而加以熱、則肉化爲氣、若能不使熱入、不使洩氣、可以恆存不朽、峩羅斯國地近北極、寒冷異常、冰雪四時不消、水硯凝結如錫、迤北之境多

冰山四面玲瓏瑩冷可畏嘗遇酷熱冰山崩陷中有死獸形狀古特其形如象而大于象骨肉鮮新熊羆爭聚食之邊卒馳報其王王使名臣往驗蓋二千年物也遂收其骨存諸內府至今傳為古器云凡寒天肉食可留旬日熱天肉食隔宿變穢亦即此理又凡賣冰之家必以木屑灰糠藏于密室送冰之時必用絨毡棉胎包裹方不消鎔亦取糠屑絨棉難傳外熱故耳

凡天下萬物各有本熱得之則長養生息失之則變化原質胎生者得熱則孕卵生者得熱則孵鴨不化蛋火燒亦出他如濕生化生亦莫不藉熱以成其生故花果草木皆待春暖甲孚冰雪雨水亦待春暖消長蓋因萬物得熱則其本體即行發大不論生物死

物皆同一理但物質堅實其大也少物質輕鬆其大也多人身肉性熱天則肌膚豐滿冷天則肌膚縐瘦竹木之質熱天則紋理潤密冷天則紋理疎縮金石亦然比如銅箱鉄盒燒熱其蓋則鬆銀線鉄尺燒紅其質則長水性亦然天冷則海乾池下煮滾則水溢湯瀆此皆得熱發大之據然得熱貴乎內外均平上下相稱方能不壞本質如烹水熬膠鑊下火力太烈以致膠水下熱上冷勢必轟然破甑水漿迸濺曾有熬骨膠者用銅鼎固封其口力鼓風箱以催火熱不知熱汽傳散欲出無由遂令銅鼎轟裂立殺數人又有鉄匠圍爐鑄炮坭模未乾傾瀉鉄汁爆然散激鉄匠數十駢死爐前斯人若識熱性汽勢之烈容有是

乎凡凍玻璃近火自裂正因其外質受熱發大，致令牽逼內質之故。若熱玻璃入水自裂，乃因其外質減熱縮小，而內質仍然熱大，不能同時均稱，皆此理也。大地亦然，間有火山崩陷、海揚地震，實因地中有火，熱氣散出，故有石燼砂灰、飛蒙于附近之處。西人推算地中之熱，比如持寒暑鍼入地四十五尺，則水硯升高一分；入地愈深，熱勢愈盛，深至三里，必熱于地面百分，深至六里，熱如沸水，深至三十里，熱如鉄汁，深至百里，以中國萬里計，萬物皆鎔。佛囑西國鑿一深井入地一千七百九十四尺，以番尺計，閱七年成工，汲出之水熱于常水三十一分。以此推測，是地中之熱固可以數而算者。凡冬季嚴寒之時，昆虫鳥獸多入地成蟄。

皆爲避地面冷氣，特隱土中而接地熱，是化工使之自衛其生也。

或問地心與太陽皆是烈火，上蒸下炎，萬類當爲焦物，乃冬冷而夏熱，萬生得以晏然，處其中，顧有說乎？曰：地球圍日側倚而行，三百六十五日爲一週。夏季北極朝日，南極向外，故赤道以北皆覺夏熱，冬季南極朝日，北極向外，故赤道以北皆覺冬寒。吾人俱居赤道以北，自覺冬冷而夏熱，永與南極不同。時四季暑往寒來，實因離日遠近之故耳。若地心之火深隔百里，且土質傳熱爲最難，又何慮夫焦物乎？然日之爲功雖大，顧其熱間亦有害于人者。凡地上卑污日蒸其氣，卽爲毒感之多，有疫癘。

博物新編  
之災、又凡炎夏天時、露行于赤日之下、每有腦疾血熱之病、是其害固由于日、而自保又在乎人也、或曰、熱之爲熱、土質難傳、吾知之矣、而水質接熱、各有多少不同、亦有據乎日、水質與氣質固自不同、而水之爲質、亦各有不同、夫水質接熱、必滾而後化汽也、當水滾化汽之時、以寒暑鍼探之、其熱二百十二分、油亦水質也、酒滾其熱一百七十六分、油滾其熱三百一十六分、水根滾其熱六百六十二分、各香油化汽、其熱不過數十分、凡搽薄荷香油、卽覺皮肉寒涼、乃借攝本肉之熱以消化其質、殊非祛肉內之風也、是各物均爲水質、何以接熱變化各有不同乎、此因其稟賦之質有輕浮、故其受熱之量有多少、夫地氣壓下之重、其力勝于水、若水中不足二百

一十二分之熱、卽不能滾、西人嘗用清水半甌、以大玻璃罩密而蓋之、將氣機筒見一、抽出水而之氣、使罩內無氣、可壓其水、接熱七十一分、卽能上滾、又嘗烹茶于高山之上、水滾尤快于地面之時、皆因上氣之力漸薄、其壓下之勢亦少、遜矣、有糖商某公、生理最盛、每歲煮糖柴炭亦費數十萬金、其煮糖之法、火候過少、糖難滾而味劣、火候過多、糖滾急而底焦、因思水滾之熱二百一十二分、糖滾之熱二百一十分、遂于糖房外設一氣車、臨煮糖時、車出房甌之氣、果得減火滾糖妙法、由是每歲多賺二十萬金、因而倍餉領牌、不許他人尤效、壟斷居奇數十年、幾與王侯將富、其糖名糖味、至今猶膾炙人口、云、或曰、熱爲功大、



胡爲乎來奚自而去可得聞歟曰熱之爲用散之則彌于空聚之則藏于物取之無禁用之不竭是造物主之無盡藏也如火之爲熱人能取之而不知其來滅之而不知其去有野人畝漁爲生每積薪熱火以自溫彼處猶後俟人散去便炙其餘火火盡即羣散而逃雖旁有餘柴會無加柴添火之智蓋天不欲其貽火之害也造造而化化有有而無無溯自開闢以來萬物均無增減卽如江海之水日蒸則爲汽爲雲遇冷則爲雨爲露由雨露而復凝爲水水性潤下人土積爲泉源泉混混由江達滄海由海出重洋升降循環曾不出離大地之外古今絡繹何有虧損涓滴之微森森者如是其他可類推矣

蒸汽論

汽者水受熱逼上升爲氣之謂飄揚于生氣之中其性散而不聚若以鐵器困束其質其舒散之力烈如火藥愈束愈烈無物可以當之故西人用火蒸水節取其汽以代人力凡火輪舟車之屬亦皆賴此以運其輪焉茲將其理畧言于後○凡水登方一寸受熱化汽之後必須一千七百寸登方之位始足容之西人以玻璃製一方筒內清水一寸于筒底水面置以木塞令其上落自如勿使洩汽然後以火滾之水漸化汽則木塞漸高盡化爲汽則木塞高至一千七百寸而止此係以筒內徑難算若以冷水澆其筒外使筒中之汽受冷復凝爲水水漸凝則木塞漸低低至原位其水復仍如舊可知一寸之水能化一千七百寸之汽若

以一千七百寸之廣、逼壓而爲三數十寸、則其發散之力爲何如耶、夫地氣壓下之勢、其力一十五磅、一十一兩六錢爲一磅、三兩水足二百一十二分之熱、方能淡化為汽、凡言熱之分數、皆以英國寒暑算計、是汽之本力、亦爲一十五磅、使水加熱、則汽力亦加、由此遞算、水熱二百五十分、汽力應爲三十磅、水熱二百七十二分、汽力應爲四十五磅、水熱二百九十分、汽力應爲六十磅、汽質既能以鐵筒束之、使縮、汽力又能以火熱加之、使大、彼火輪舟車、安得不快、駛如鳥飛、如魚躍乎、是故火輪船有二百力、三百力、一千力等號、二百力者、如駕二百馬之力、一千力者、如駕一千馬之力、英國火輪船之大者、自艚至艚、長約三百二十五尺、

闊約四十三尺、深約三十二尺、俱以番尺計其快如駕一千二百馬力、每一時辰、能行一百零六里、曾在英國駛行埃及國、歷一萬二百里、只九日耳、李白之千里江陵、視此猶爲慢程、火輪車、利於水者、既有火輪船之法、利於陸者、又有火輪車之奇、其法大同而小異、特水所以載舟、有水即能行船、故火輪船周遊列國、無往不利、惟陸路則有山川高下之險、火輪車必須藉鐵軌以引之、鐵軌者、以上石砌一長路、路上鑄鐵埒以銜車輪、平直如線、填坑谷、掘邱陵、山之大者、屏隧道以透之、港之深者、建橋梁、或石、或鐵以濟之、工程浩大、每一車路、動費數百萬金、且一路必置一鐵軌、一導以往、一導以回、令二車無相撞之虞、

塙中禁止行人不放牛馬數里設一望臺臺上豎旗爲晝號懸  
燈爲夜號車中人望旗燈爲安危若前途有險則懸紅燈紅旗  
以警之御者卽制汽勒輪以住若視旗燈色白則竟縱輪以過  
疾行如飛人在車上臺中者彼此幾不能認面目其絕快之車  
每一時辰能行四百二十里盡一晝夜共行五千零四十里以  
萬里之路只兩日之程汽之爲用大矣現在英京有五車路通  
行四方郡邑間遇朝廷有事報以電雷見雷數刻則舉國皆知  
或欲召集籌謀駕彼汽車鎮日而諸臣畢覲然而車行太疾道  
路不無險阻故平常定限每時辰以行一百八十里起至二百  
五十里止凡過埠邑通衢例必停輪少頃因以傳貨信而搭賓

客不無少需時暑故也其車式前軸爲汽勒備載煤水機器御  
者坐之後牽三數乘分上中下三等下等裝載貨物中等平人  
坐之其價爲稍廉上等則狀若亭臺書籍椅桌器用畢具鋪設  
華麗坐臥安適慮極玲瓏煤烟不到其價爲最貴車中人憑欄  
遠眺所見山村景色日數千里時或深入隧道昏黑如夜少頃  
復光而已透數里之深洞山東之客倏而爲山西之人矣車中  
不賭博不嚷鬧不穢語不吸烟犯例者罰車價先收後升實價  
不二付貨計值取盈不賒不減車期限時起發逾刻不候誠客  
商來往之最便而貨物寄搭之就章者也凡牛羊牲口鮮魚皆附火輪車茲將  
舟車之機器擇列于後

汽機之勢有二、一曰高機、一曰低機、高機器少而煤多、其費元大而行疾、因水汽入櫃用畢即放而出之、低機器多而煤少、其行疾而不險、蓋以汽作工、復使汽爲水、可以節減煤柴故也、凡高機之船、花旗多用此法、然一不謹慎、每有甌裂殺人之患、英國向有例禁、車准用高機、船只用低機、故火輪以英船爲最穩、下所擇錄、亦低機之器焉、

水甌○甌以鐵爲之、方圓大小不一、其形甌蓋與甌底相連、密不洩汽、其旁有小戶、可容人入、所以洗驗甌內、其底亦有孔、竈所以放水出海、凡停泊之時、例必開放甌中之水、藉以洗滌甌內、蓋之頂有汽第一條中通而直、橫屈向前、所以通引水汽、蓋之前有管一枝、

一上一下、下者插入水中、上者離水數寸、管之口、均有幹鏟、可開可閉、所以驗水深淺、時開上鏟、管中噴汽、開下鏟、管中噴水、是爲得宜、若兩管均爲噴汽、是知水淺、即須添水以和之、或兩管均爲噴水、知是水多、又須減水以平之、因水多而汽弱、行緩、水少防甌裂殺人、甌之後有活厭一件、常與汽力較合、輕重、如其甌可束、六百力、其活厭亦有六百力、以厭之、若過六百力、以上、則活厭力不及壓、自然展開、以洩甌汽、特爲此者、實恐汽力過度、頓令甌體迸裂、而人不及覺察也、汽甌之側、有管孔、插鐵線一枝、線之下端、繫以平板、浮於甌中水面、水滿則內板浮高、而鐵線亦高、水下則木板浮低、而鐵線亦低、視鐵線高低、爲

甌水添減之度、鐵線上端、撐貼添水櫃門、若甌中水乾、則木板低浮、櫃門漸開、使水由添水甌入甌、添水甌者在鐵線之後、小甌于汽甌者有半、其甌在甌上、透蓋而入、所以添水入甌者。

汽櫃 ○ 櫃體圓而長、有甲乙兩機、皆能開合自如、櫃頂當中、貫鐵杵一條、杵之上端、連于橫幹、杵之下端、鑲鐵鍵一、鐵鍵與櫃內圓徑、略合、可上可下、密不漏汽、狀如救火水桶之心水汽從甲甌而入、力推鐵鍵以上、則鐵杵橫幹均從而上、水汽從乙甌而入、力推鐵鍵以下、則鐵杵橫幹亦隨而下、其法上汽自甲甌入櫃、下汽從乙甌出、槽下汽由乙甌入櫃、上汽由甲甌出、槽互相出入、以推鐵鍵上下。

冷水櫃 ○ 櫃體圓長、小于汽櫃、其中有鐵杵鐵鍵、一如汽櫃之樣、但鐵杵繫于橫幹、次節、藉橫幹上落、以為抽引之機、抽引海中冷水櫃中常載冷水、以浸汽槽、因汽槽透櫃而過、遇有冷水、凍其槽體、則槽中水汽立凝為水、凝水之後、其勢尚熱、即由汽槽倒行而上、復彎于前、聚于添水櫃中、直與添水甌相接、熱水由是瀉入甌中、若添冷水于滾水之中、其滾必止、今用熱水添人、其法為尤妙其實甌內滾水、受熱化汽、由汽作工、工畢復化為水、由水復歸于甌、輪轉不竭、而未嘗有所耗散也。

火爐 ○ 爐在甌下、焚以煇炭、柴亦可爐旁有鐵門、以通生氣、門開則火猛、門閉則火慢、火猛則甌水易乾、故甌水之面、浮以片木、

木上貫以鐵杆、透甌頂而出、復屈下與爐門相繫、比如甌水乾下、則浮木亦從而下、浮木漸下、必漸牽連鐵杆、鐵杆牽連爐門、則爐門漸閉而火慢、自不防有火炎水涸而甌裂之虞、又法以機架繫兩圓球、置之甌側、另有汽筒連于機架、汽出觸架、則兩球渾然旋轉、汽愈猛、則球轉愈急、卽有鐵線牽閉汽門、自然使水汽均得其宜。

脂輾○各機器樞紐關捩甚多、以鐵鑽鐵輪轉不息、必致相擊成火、故每較之上、必製一銅甌、甌底穿數小孔、使其滲洩脂油、以滑之、卽御者脂軒之法、以火輪船而論、每日亦費油十餘斤、輪撥○以一鐵繫于橫幹右端、名曰鐵撥、橫幹與鐵撥相隨上


下、其輪齒旋轉之機、皆賴鐵撥以推動之也、





汽尺○以鐵製一彎筒、一端與甌汽相通、一端向外、灌水硯于彎中、插以木尺、刻以度數、若內汽猛甚、則水硯爲汽所推、由內漸移以出、漸出則木尺漸高、仿如銅漏、時尺報更之法、職其事者、每望尺以驗汽勢、猛弱大約尺過某度、是爲險報、必須畧洩甌中之汽焉、

汽制○汽筒之內、有一輾錐、凡欲舟車停輪、卽以手扭其柄、則輾錐乍闔、水汽卽改路、而由外筒出矣、


以上機器、皆所以運動鐵輪、由此法而觸悟其心思、巧中生巧、有紡紗織布藉火輪以代人力者、有以火輪耕田漂水者、

有以火輪打銅鑄鐵者、百工手藝、多以此法代助人力、一人而兼百人之工、一日而收一月之利、是皆取資乎汽、汽之為功大矣哉、然汽之來由于水、而水之滾由于火、以西國火輪汽具、晝夜不息、日費燠以數千萬計、智者遠慮、各思設法以代之、近有以火炙熱地氣、令其舒縮、以運輸撥者、其法比水汽尤為便捷、實功大而費廉、現有輪撥者、然尚未盡其法、新船用地氣以運、十數年後、凡彼舟車機器、當有用地氣而盡廢水汽者矣。









水質論

天下之物元質五十有六萬類皆由之以生造之不竭化之不滅是造物主之冥冥中材料也泰西博物者遇物必求其理遇理必窮其極見一物之內有數質會合而成者有十餘質會合而成者間有一質自成其為物者雖品物繁形然皆不出于五十六種之外如人身之質得五十六種之十四水質得五十六種之二鑽石為五十六種之一均能用法以分之何也蓋各質之能會合以成為物皆因稟賦宇宙中和之熱故失熱則萬物不形成熱極則萬物敗其質熱亂則各質分其類如烈火能化物質電雷能分水質此其據也惟究其成物形體本性有三一

為堅性、二為水性、三為氣性、氣性之理前文既已論之、茲特論其水性之理焉。

水之為性、浮而散者也、其質乃二氣融會而成、養氣為三分之

一、輕氣得三分之二、以電機器即能分之、見下電雷論其勢能均力、

其壓下之力愈深、愈重、不論其闊其性為平流、萬河之水必流于海、因雖數千

里皆能應動、假如以鐵製一長筒、遠連千里、滿之以水、試以物

壓其兩端、動此則彼應、動彼則此應、有如堅物之能以兩端齊

應也、如以長核推其上端、則下端亦進、牽其下端、則上端亦退、雖萬里之長、自一時而應、然此是之謂兩端齊應。但

堅物之質、必隨其自然之性、不能使其上下齊端、惟水質之性

為平流、不以遠近而易其性、比如一筒之水、長約數里、其兩端

上下例必一線平均、若此端水高三尺、彼端亦必三尺、或此端

筒窄容水少、彼端筒闊容水多、視兩端相較、亦必一線平流、如

或以數筒插于盤中、一方一圓、太一小、斜一曲、注水于盤、

然後視筒中水面、亦必一線平流、此乃水之浮性也、惟其平流

之性、人皆見之、而其均分之力、人多不及知之者、西人每製水

架、以夾壓棉花紙料、其法以厚鐵作一大櫃、櫃中容大木柱一

條、使與櫃內脗合、土落自如、勿使洩水、櫃頂四隅、以鐵柱駕一

平板、櫃之底通引一鐵筒、彎屈于櫃外之側、直出而上、約與櫃

體齊高、注水于筒、務以櫃與筒中皆浸滿為度、然後放棉花各

物在木柱之上、令人以鐵鏈塞入筒口、努力壓之、假如筒中徑

闊一寸、櫃中徑闊千寸、則筒鍵壓下之力、百斤、其櫃中每寸之力亦百斤、共十萬斤之力、因筒中水力、可均分于櫃內之水、故木柱承水而起、將所夾之物密逼而實如鐵矣、是借少力以制多、用一人之力、即如百人之力、皆賴水勢有均分之力也。

水質之重、與他物各自不同、譬如以一寸方平而論、黃金重于水十九倍、水碾重于水十三倍、鉛重十一倍、銀重十倍、銅重八倍、鐵重八倍、錫重七倍、玻璃三倍、石重兩倍半、鹽重三倍、血重一倍、乳重數分、尿重數分、凡物重于水者、入水即沉、若輕于水者、雖油酒黃蠟之類、亦必浮于水面、西國有驗酒人、以定酒味、故酒家無假冒之弊、亦因較水而知也、有某王給兼金百兩、使

匠製一器皿、器成、並無減耗、王恐其假、而無法可驗、有識者告以較水試之、王遂以他金百兩、投于水盤、刻痕記水、然後易以金器、果見水痕高溢、頓知其中有夾銅、呼匠責之、匠亦拜服、蓋金質堅小、水痕必下、銅質鬆大、水痕必高、理所當然、又凡以釐戥秤物、得五錢六分、在水中稱之、必得三錢六分、可知水力之重、與地氣亦有不同、蓋一尺方平之水、秤得一百兩、一尺方平之氣、只得八錢而已。

漕運○騾馬之力、貨車皆藉以牽之、但陸牽為難、水牽為易、比如在陸能牽一敦之重、二千二百四十磅為一敦、在水可牽三十敦之多、西國出外經商人、搭火輪車、貨搭漕運馬、其法鑿地為平河、作平河之

法每一里低一寸、因水深數尺、闕僅能旋舵、深僅能載舟、然地球之體圓故也。有高低偏陔、斷不能一路平夷、故有上漕下漕之別、當上下交界之處、以木闕隔蓄其水、其法在下漕之頭、連設兩闕、約離十丈、其中名曰轉漕、兩闕之內、皆設機竇、一通上漕、一通下漕、凡運船由上漕至此、卽開上漕之竇、俾水注入轉漕之中、使上漕與轉漕平流、然後開上闕、渡船入轉漕之裡、復將上闕塞閉、乃開下竇、以放轉漕之水、水漸低、則船亦漸低、低至下漕平流而後止、于是開放下闕、使船由轉漕平出下漕而去、乃將下闕復閉如初、此是山上渡下之法、若運船山下漕至此、暫開下闕、使船渡入轉漕之中、然後開上竇、以納上漕之水、水漸入轉漕、則

運船漸高、高至與上漕平流、乃開上闕、以出上漕而去、此是由下渡上之法、實藉轉漕以爲上落之機、每渡耗水無多、足以長年而不絕、法亦善矣。○又西國磨麵春粉、紡紗織布、多用水碓水磨、水車水機之類。

人身肉質、原重于水、但肺體輕鬆、故能與水相輕重、彼習于水、勇于泅者、固不慮有馮河水厄之患、而家居不識游泳之子、亦當知其身之能與水質相浮也、夫人當失水沉船之際、心驚胆震、手忙足亂、落水之後、鼻疼眼花、耳鳴氣促、浮沉數四、血脉頓息、卽不能救、故平時不習泅泳者、遇有水厄、落水卽仰面向天、手足勿撐、身體勿動、暫忍辛苦、自然仰浮水面、斷不沉沒、雖覺

耳鳴心震、亦勿顧慮、但念鼻出水面、氣可呼吸、自不致死、任其隨流漂余、或當遇有救者、若于此時爬手撐足、勢必愈動愈沉、蓋不諳泅泳之人、必不能強爬而使之浮也、有不信者、可于淺水之河、令人手托背脊、放于水面、自能仰浮身體、其口眼鼻三處、皆凸然露出、惟覺耳內稍有不安耳、西國洋客、每帶浮木以備不虞、若有危急、即將浮木繫于胸前、自能浮泅水面、洋船有水手墮水、船上即拋擲浮木以救之、

凡有鑊埕瓦器、其中滿水、投一爆竹、响發而瓦器乍裂、此為水力均分之據、蓋炮响水熱、化汽欲出、而瓦質不能繩束其力故也、凡卑巴木桶、插以竹筒、注水滿之、畧吹口氣于筒中、

桶亦驟裂、山崩之理亦然、實緣山骨中有水窖、無路可出、間遇風雨飄壓、入水之道、故驟然崩陷、誠無關於地運災祥之數、識理者自當明之、

泳氣鐘 泳潛行水中也

泳氣鐘以鐵鑄之、所以載人入水而作工者、凡水深三十四尺、可與地氣之力相敵、故以空盃倒覆人水、則盃空浸水中、緣盃內有氣、其力能與水力相敵、此水所以不能入也、泳氣鐘亦倣此法而為之、取其水不能入、則人自可于水底作工、其鐘高約五尺、鐘口闊約八尺、鐘之頂開四窗、以透光、嵌以玻璃、密不洩水、鐘之旁設一機竅、氣出則開、水入則閉、鐘之內頂有數鉤、所

以懸掛應用器物、鐘之內旁有兩凳、所以坐人、臨用時、先使工人坐于鐘內、然後在船旁以纜放鐘而下、或在水中、或在水底、以三十四尺而止、若過三十四尺、則水力大于氣力、水漸浸入鐘裡、又須添氣以敵之、務使氣力與水力相均、但鐘內咫尺之地、容氣不多、而工人在內呼吸、其氣易壞、若不更換新氣、工人必局死鐘中、其更換之法、船上人以氣機筒相攝、空中之氣放入桶裡、將繩繫桶、繩至鐘旁、每桶之底另設一皮筒以出氣者、倘工人自覺呼吸不安、即將皮筒牽入鐘裡、拔去其塞、則桶中新氣勃然噴射、而鐘中壞氣自由機竅散出、于外矣、凡海水澄清、日光下照、雖在水底亦可寫字、工人在鐘內欲傳言語、則扣

鐘以報之、言語多者、則書片板以浮之、船上人皆俯耳凝目以俟守焉、西人採珠撈寶、建橋下石、皆賴乎此、彼慣習此技者、雖竟日亦不覺悶云。○嘗有洋船失水、有以此法下海撈取財物、所得甚多、孜孜不捨、夜繼以燭、海底奇魚怪蟹、望光遙集、吮手嗅足、似欲吞噬、其人大恐、扣鐘甚急、舟子聞聲起之、魚蟹遂人而上、將至水面、紛然散去、自是不復有夜作焉。

却水衣

印度國有大樹膠汁甚多、採取製煉、可作器用、其質堅韌、水火不能傷、刀鋸不易入、條長一寸、引之可長尺餘、放之復縮如故、恆久不變、不壞、實無他物可比、粵俗呼爲象皮、西人襪帶腰帶、

多以此物爲之、却水衣亦以此造、其衣自頭至足、密無縫隙、脫之儼然人壳、肥瘦皆合、穿着左右腋下各出一筒、以透生氣、兩目鑲玻璃以透光、凡欲入海、作工穿以此衣、則水不能入、腰纏鉛錠、足着鐵靴、則水不能浮、落至水底、即將腋下兩筒搭入、泳氣鐘裡、自有生氣、以通呼吸、可入水中半日、動作如常、西國水戰前用此法、以鑿敵船、若網珊瑚採珠寶、尤爲妙用、然間有淹死水中者、是因腋筒紐屈、不能通氣故也。

海水論

地球之大、週圓九萬里、陸得四分之一、水居四分之三、小者爲河、大者爲海、茫無涯涘者爲洋、在東爲東洋、在西爲西洋、浪如

山湧、水天一色、遙望無垠、四方通連、可以週流列國、航海之客、隨處必繩探其底、有深三千尺者、四千尺者、更有五千尺者、若過五千尺以上、則無法可使測探、雖以重大之物、亦必爲水所沖激、其物遂隨水底斜流以去、然據理推算、其至深之底、亦不出二十里之上、且其底並非坦如平陸、必有深淺高低之形、如山之有頂有谷、海中島嶼、卽爲水國山峯也、佛蘭西有天文士、考測水勢、彼說若使海水多加四分之一、則平地全行淹沒、或少減四分之一、則大江變爲涌濬、小河盡成旱陸、雨雪露潮不足滋長、則人民不生、草木焦枯矣、在大海之外、永有常流之水、自東而西、週年不易、所謂眾水朝東者、非是其理、蓋因地球向

東旋轉、水質浮游不能隨地急運、故近赤道之海多轉而西流也。凡洋船往來必藉風力、若使船近常流、適無風駛、每爲常流所漂、多被攔石船壞。又有急湍數處、旋瀾激箭、險勢莫憑、鯨鯢悞人亦不能出。正是山角旋風、海角旋流、皆爲海客之憂矣。若論其壓下之勢、則在深而不在闊。每一寸登方之水深二尺、力一磅、深四尺、力二磅、深百尺、力五十磅、水愈深、則壓下之力愈大。若將一四方玻璃空樽、以木固塞其口、將繩繩入海中、落至百尺、樽立碎裂。又將一圓玻璃空樽、亦以木固塞其口、繩落二百五十尺之下、漸覺重墜、異常取出看之、見樽塞依然封固、而樽中水滿、何也。蓋海底之水爲上水所壓、伏其力尤大、而木塞





亦爲水所逼縮、故水得以乘隙而入也。凡有船隻貨物、沉溺海中、若淹沒太深、必被上水所壓、其勢甚重。木爲水壓、水斷無妙法可以起撈之者、間有善泅舟子、入海太深、亦無力可以湧上、以是死者有之。相傳外洋漁父、皆在淺渚澄灘、以網釣魚、鱉緣潭淵深極、魚類亦不能生云。○洋海之水味苦而鹹、近赤道之海爲尤鹹、每二十四斤之中、定有生鹽一斤。西國博物者考較其質、比如以五百分而論、水質得四百七十八分、生鹽得十二分、元明粉二分半、灰物一分、噀呢沙五分半。若以鹹淡分較其力、勢必海鹹力重、河淡力弱。洋船在淡河、重載貨物、一出鹹海、船底輕浮、尺許。若在外洋、已覺船勢太重、一入淡河、船必沉溺。









海客不可不知也。西方有大湖曰死海，其水爲最鹹，大小水族皆不能生，其力爲最重，砂礫可浮，人溺不沒，相傳古爲蠻國，民類甚惡，激犯天怒，上帝以硫火滅之，夜間似聞鬼哭，土人目爲魔地，好事者羣往覘伺，日落後奇聲大作，如嘯如號，莫不悄悲肅恐，跡之聲在樹間，至今相戒不敢夜宿于其處云云。

山水○水以源泉爲最淡，以雨露爲最潔，人民賴以飲之者，其汲取之法，脩綆轆轤，猶非善計，英國地上高亢，泉脉極深，井非百尺不見水，以是商賈有賣水之局，在附城高處，鑿池蓄水，天旱水涸則以火輪申車取淡河之水，以銅筋遞引而下，每家分搭喉管，透地入室，大家三數管，小家一兩管，每管口端皆製鉞，轉之則開，水出

如注，却之卽止，洗用不竭。室之內，左右逢源，莫不家滋戶潤，歲底按水給值，路上絕無挑水之人，而烟戶萬千，永無涸鮒，西江之患，利洵溥矣。又人家皆有厠，上設水管，下置圉，廁關捩巧妙，觸機自滌，亦以銅筋透地引出，在通渠總滙而達于河，皆爲水局職司其事，歲底給發工資，以是路無穢物，化臭腐爲神奇，人皆有林逋不能之概，真屬大小兩便也。



Vertical columns of Chinese text, likely a continuation of the scientific or philosophical discussion from the left page. The text is arranged in several columns, with some characters appearing to be bleed-through from the reverse side of the page.



光論以光為物特借  
字而立說耳

光與熱同理而不同物熱之為物人身百體皆能覺之光之為物萬生有目始能見之有萬物而不設光物亦不形其為物有光而不設目光自無用其為光照物必藉乎光用光必須乎目光目互相應用此造物之深意也西國博物之上推考其理遂悉光之為用亦為宇宙間一物於是分其性別其色詳其用一切顯微鏡千里鏡口鏡夜鏡眼鏡撮景鏡映畫鏡皆因其法而製焉其天文畫法物質物像並賴其器而得其精焉茲將其理畧言于後夫光之為物最為微薄其源有六一曰日光二曰火光三曰燐光四曰鹹汐光五曰蟲光六曰電光六光以火日為

博物新編  
正光其性輕清無質其勢直射而捷惟透玻璃清水明物勢必  
曲折斜射而過若以凸玻璃照之光射透過即撮合成一尖樞  
此乃斜射之據也光之爲用凡照瑩滑潔白之物勢必返照光  
之爲色其數有七合則爲白分則紅爲橙黃爲正黃爲綠爲藍  
爲老藍爲青蓮若將一大房四圍封密獨留一小孔以一三面  
玻璃條塞之則光射透玻璃而入房中之壁光分七色其下正  
紅光其上橙黃光再上正黃光再上正綠光再上正藍光再上  
老藍光至上青蓮光試以寒暑鍼放在黃藍綠各光之中無甚  
變動試放入紅色光處鍼內水硯即行上升可見日熱寓于紅  
光之內矣又有染物顏料日晒即能變色者以之放在紅黃綠

則下紅上  
恐脫爲字

各光之中均不能變試放入青蓮光處其色頓化可知變色之  
力寓于青蓮光色中矣又以各色之物試之比如以墨放于綠  
光之中墨色亦綠放于紅光墨色亦紅放于黃光墨色亦黃又  
以紅石放于綠光之中石色變綠放于黃光石色亦黃放于紅  
光其石鮮艷異常由此類推是天下之物並皆無色不過借日  
光之色返照以爲色耳比如樹葉色綠而樹葉本來無色乃葉  
質專接日光之綠返其色于人日之中故見葉綠又如硯硃色  
紅而硯硃本來無色乃硃質專接日光之紅返其色于人目之  
中故見硃紅他如雜色之物乃雜接日光之色故見色雜白色  
之物不接日光盡將其色返照于人故見色白黑色之物盡接

日光不能返照，故無色可見。猶如以五色之物置之黑房，是均無色可見也。凡燐火、螢火皆青色，萬物照之色亦青。亦同此理。若夫日光之色，種種皆備，各隨物質之宜。接之則爲色，返之則爲白。盡接則爲黑，日光之妙，妙無量焉。○日光返照之理，尤爲變幻。凡蜃蜃海市、蜃樓、空船、空橋、日暈、月暈、日再、午白、數輪、日落、復上、月重輪、空中巨人等類，皆爲日光返照，並不關乎災祥。神仙異兆，如虹、蜃、月暈，習見不奇。海市、巨人，少見多怪，其實皆同此理。人特未之思耳。夫明鏡照物，萬像皆入鑑中。明鏡照光，光射必能返照。以鏡接鏡，可引百里。是人所同知。其見者，惟地氣之性亦然。凡日蒸江湖濕氣上升，或爲嵐、或爲雨、霧、遇風

卽散，遇冷卽凝，凝于空中，如玻璃之壓水硯。上可以照日月星辰之像，下可以照山川林宇之景。氣凝厚密，則其像愈真。氣凝參差，則其景愈幻。幾處分凝，一物可照數影。遠近相引，萬里可至。日前茲將西人目擊而有據者，擇譯數條于後。

空中巨人

某甲與某乙登山晚眺，甲曳杖，乙攜籃，雲樹蒼茫，夕陽繞嶽，指顧間忽見空中有巨人二，前者倚大物，後者捉巨槌，揚手踏足，意似不良。甲乙駭極，踉蹌疾走，巨人追逐數武而沒。遍告村人，莫知其怪。有智勇者結隊登尋，數日無跡。一夕薄暮，巨人復現，數如其眾，各皆注目視之，頓悟乃已影也。蓋雲氣冷凝于空，日

光返照如壁受影甲乙方懼未暇詳察焉耳。

空中船像○某將軍者奉命往北極窮覓地址父子各駕一船  
罕入冰海或先或後父子相失駛尋數日兩不能遇忽見空中  
有行船帆檣旗幟歷歷在目其子視之乃父船也遂依空船進  
駛果抵父所此乃空氣凝結上下相照之理。

海市蜃樓○華人以海市為蜃氣幻影以山市為神仙幻境若  
果為蜃不應有于山若果為仙終有現乎夜何以不聞有燈燭  
山市夜光海市而必現于無風有日之白晝乎是海之為市非  
蜃山之為市非仙其實皆濕氣凝空日光返照所致也者故其  
為像有城郭焉有村落焉有樓臺焉有林木焉有山川焉人馬

鷄犬無微不照山明而暗山暗而沒以湖海之氣為最多有數  
見者有偶見者有向上者有向下者有相對者有相背者皆就  
其地氣天時而然

空橋○北極之地夜間多有幻光有現如長石橋者有現如弓  
影者有一光環者有數光環者在冬至後夏至前有名北曉者  
初起于天邊形如味爽漸升于天頂宛似光環豪芒四射或隱  
或現此乃地中能然之氣騰燒于上故也

日暈月暈○地上之氣騰聚空中日光直射則為日暈月光直  
射即成月暈近地則見大遠地則見小亦風雨之先象也日月  
重見者乃空中濕氣凝結如鏡一鏡照一象十鏡照十象西國

時見<sup>七</sup>理所必然無足深怪故重見之後相繼而下者非雨則日者<sup>上</sup>雪焉日再午者日側復中之謂乃浮雲遮掩真日下民不見其體是時當中適有濕氣明結遂接照日體之象仰而望之宛若正午在天心如懸鏡中庭雖左人右物其象亦必在中庭也日落復上皆同此理蓋所見者其象所不見者其體有某公閉門謝客擇人而會門門藏鏡遞傳外像有叩戶者公即窺鏡認客省却往返之疑彼客在門外而其象已達中庭矣

虹霓○虹霓者乃空中雨氣映照日光而成形分七彩即日光之本色也朝西而暮東常與日相對照有現<sup>一</sup>道者有現兩道者三道四道亦間有之或以為龍形而分雌雄或以為神物能

吸飲食此皆滑稽之言君子勿道。

光射之速○地體之大外圍八萬七千二百里一晝夜輪轉一週快亦極矣若以飛鳥較之日夜不息亦須二十一日始能飛繞一週惟光射之速一瞬即能匝遍實無快物可比西國博物之士嘗以天文算法推計地球與日輪相去三萬三千二百五十萬里日光之來八<sup>一</sup>瞥<sup>二</sup>呢<sup>三</sup>呢<sup>四</sup>為<sup>五</sup>一<sup>六</sup>時<sup>七</sup>辰<sup>八</sup>即<sup>九</sup>到<sup>十</sup>地<sup>十一</sup>面<sup>十二</sup>驟<sup>十三</sup>聞<sup>十四</sup>者<sup>十五</sup>必<sup>十六</sup>疑<sup>十七</sup>是<sup>十八</sup>怪<sup>十九</sup>誕<sup>二十</sup>之<sup>二十一</sup>語<sup>二十二</sup>孰<sup>二十三</sup>知<sup>二十四</sup>却<sup>二十五</sup>有<sup>二十六</sup>實<sup>二十七</sup>據<sup>二十八</sup>可<sup>二十九</sup>憑<sup>三十</sup>信<sup>三十一</sup>者<sup>三十二</sup>乎<sup>三十三</sup>夫<sup>三十四</sup>地<sup>三十五</sup>球<sup>三十六</sup>圓<sup>三十七</sup>日<sup>三十八</sup>而<sup>三十九</sup>行<sup>四十</sup>三<sup>四十一</sup>百<sup>四十二</sup>六<sup>四十三</sup>十<sup>四十四</sup>五<sup>四十五</sup>日<sup>四十六</sup>旋<sup>四十七</sup>一<sup>四十八</sup>週<sup>四十九</sup>木<sup>五十</sup>星<sup>五十一</sup>亦<sup>五十二</sup>圍<sup>五十三</sup>日<sup>五十四</sup>而<sup>五十五</sup>行<sup>五十六</sup>四<sup>五十七</sup>千<sup>五十八</sup>三<sup>五十九</sup>百<sup>六十</sup>八<sup>六十一</sup>十<sup>六十二</sup>日<sup>六十三</sup>旋<sup>六十四</sup>一<sup>六十五</sup>週<sup>六十六</sup>地<sup>六十七</sup>球<sup>六十八</sup>之<sup>六十九</sup>外<sup>七十</sup>有<sup>七十一</sup>一<sup>七十二</sup>月<sup>七十三</sup>輪<sup>七十四</sup>木<sup>七十五</sup>星<sup>七十六</sup>之<sup>七十七</sup>外<sup>七十八</sup>有<sup>七十九</sup>四<sup>八十</sup>月<sup>八十一</sup>輪<sup>八十二</sup>凡<sup>八十三</sup>朔<sup>八十四</sup>望<sup>八十五</sup>圓<sup>八十六</sup>缺<sup>八十七</sup>虧<sup>八十八</sup>蝕<sup>八十九</sup>之<sup>九十</sup>理<sup>九十一</sup>彼<sup>九十二</sup>此<sup>九十三</sup>皆<sup>九十四</sup>同<sup>九十五</sup>地<sup>九十六</sup>球<sup>九十七</sup>旋<sup>九十八</sup>日<sup>九十九</sup>軌<sup>一百</sup>道<sup>一百一</sup>猶<sup>一百二</sup>如<sup>一百三</sup>麵<sup>一百四</sup>工<sup>一百五</sup>旋<sup>一百六</sup>磨<sup>一百七</sup>圓<sup>一百八</sup>徑<sup>一百九</sup>圓<sup>一百十</sup>徑<sup>一百一十</sup>四<sup>一百一十一</sup>面<sup>一百一十二</sup>

均圓軌道亦一體均圓軌道之東離日三萬三千二百五十萬里軌道之西之南之北亦然天文士每當地球與木星行至日輪之東即以大鏡窺測木星之月輒見其月均有虧蝕遂將其蝕既復圓時刻一一誌之迨後木星在日輪之東地球在日輪之西又再以大鏡窺之則見木星之月虧蝕如時而復光遂不如時比昔同在日輪之東者已遲十六晷呢矣何也蓋木星在日東地球亦在日東是相去一千四百兆里若木星在日東地球在日西則相去更遠實多六百六十三兆里乃地球離日兩倍之數焉夫以兩倍之數便見其光遲十六晷呢是一數而爲八晷呢可知已矣此以木星之月返照其光于人目而言緣返

照之速卽光行之速也

光射斜直○光性本直射而行惟透玻璃清水明物勢必畧折斜射而入漁父蛋民須識此理凡澄江水靜游魚可數若下網于所見之處必不得魚因斜視水底之物不能與眼界一線直入在所見之象必須斜離數寸方是物之真位尤須視深淺爲多少欲知此理可將一厚大銅錢放于碗中退行數步直望碗內務使錢爲碗邊遮掩與眼恰不相見然後令人注水碗中初見錢邊漸注漸見注滿則全錢現矣夫光射直行則錢爲碗邊所隔若碗中有水光射至水卽斜折而入故能引現錢形此一定之理也大地之外週圍有生氣包裹高約一百五十里日光



自天空直射，一入氣內，亦必折射而來。凡吾人所見日月星辰，決非本來定位，應亦如水之視魚乎。


光分遠近。○日之為光，彌散于宇宙之內。近日則其光愈猛，遠日則其光漸淡。西人推算，光隔一尺，明減四倍；光隔一尺，明減九倍。每尺以一二承算，火光亦然。大地離日三百三十二兆五億里，尚且光明如是。若得與日為鄰，不知光作何狀。化工妙造，匪夷所思。

鹹汐光。○洋海之水，味鹹而苦，中有光物，擊之即發亮如螢。青似硫磺火色，黑夜蕩槳，星點紛飛，風起潮生，浪花如爆。夜半海防遙發炮，彈丸激水，走金蛇，亦壯觀矣。


磷光。○凡叢葬塚壘之地，與夫林木陰濕之藪，黑夜每出磷光。華人謂為鬼火，其實惡有鬼哉。不過腐尸霉葉，受日熱蒸，濕化腐為氣而然耳。此乃自焚之氣，日間亦有，人自不見耳。其為色也，青綠而慘，照人照物，皆作淡金色。有顆磷，散為千百顆者，有長聲謾謾，渾如松下風者，亦足駭人耳目。西國有好奇之士，嘗于發磷處，插物為記，日間往驗，見其處有氣泡湧出，微細如塵，坐視其側，薄暮漸有光氣，愈黑愈明。行近捉之，磷頓離人咫尺，人行亦行人止，亦止，竟莫能近。遂極力追趕，瞥然散滅，而同視故所，一顆依然，頓悟其為人氣所逼，乃屏息慢步，行于前，內紙燐中，不焚而膩，若薩自膠涎也。者嗅之，有腐氣。又試內硝磺藥引，始能觸

熱焚化焉。或說磷內有鬼面、鬼聲、斷無是理。  
 虫光○蟲類之光皆為血液所生、其性有毒而無熱、玩之足以  
 爛肉、山居夜行之客、常須慎之。

電機圖






電機圖



博物新編 初集

電氣論




二〇二

大地之體有氣曰電，雜賦於流形之內，無物不有，無時不然。與  
 生氣絕不同類，聚動則為電，為火，靜隱則散藏於密，其本原之  
 質內具陰陽二性。陰陽者非此壯雌雄之義得造化中庸之道，不偏不倚，無  
 過不及。若器物之中，一為孤陰，一為獨陽，則陰者必合於陽者，  
 陽者必合於陰者，務必彼此會合一氣調和。如天空二雲，一為  
 電陰氣，一具電陽氣，二雲相近，勢必陰陽傳引，轟擊發聲，見火  
 呼為電聞聲呼為雷。此乃電氣陰陽不和之據也。然傳引電氣  
 各物不同，有易傳者，有難傳者。易傳者如五金、木、水、炭、汽、冰、雪  
 之類，難傳者如琥珀、玻璃、紫梗、硫磺、松香、石、玉、絲、皮之類。凡易

電氣論

博物新編 一集

卷



三四

傳之物、一遇電氣瞬息可傳萬里、若難傳之物、雖隔玻璃小片、亦不能過、西人有作電氣之法、理奇而用大有藉以傳通音信、有藉以醫治瘋癲、有藉以引燒火炮、有藉以製作器物、功難盡述、其製之之法、用清水一盃、入礮強水少許、強水、一為礮強水、二為鹽強水、詳見上文、然後放一銅片、精錡、精錡之質、類似于白鉛、出自外國、其中則精錡與水同化、即有電氣發出、若以鍍線與銅片相連、電氣自傳于鍍線之間、以鐵引鐵、傳遞無窮、試以物觸其端、即有光點射物、的然作響、如指彈甲、其製一連排木箱、每排左插一精錡、右插一銅片、中放礮強水少許、其精錡為強水所蝕、亦有電氣發出、傳于銅片之中、每排遞相交傳、則首排精錡電

氣為減、是名為陰、末排銅片電氣為增、是名為陽、即于首末兩片各繫一銅線、以手各執一線、使其兩端相遇、則有聲光透出、令人遍體驚顫、又法、以玻璃盅連排數十、每盅左置精錡、右置白銅、中內強水、以銅線歷相傳引、一如前法、另于首尾兩盅各拖銅線于外、其力比上法猛二十倍、若兩端相值、以尖炭引之、光如烈日、近看足以傷目、或將至堅之物放于光中、立即燒化、金鋼石為至堅、亦即燒化、雖置水內亦然、惟以繭絲裹其端、電氣即不能過、人手執之、亦不防碍、又法、用一玻璃筒、長約尺餘、大七寸許、中洞外圓、兩頭作木樞、含其口、置于架上一樞有曲柄、可搖動輪、轉、另立一玻璃柱、柱上繫以皮包、包後掛一銅鍊、此鍊要拖至地、所以引地、

電氣之置貼玻璃筒左筒上蓋以絲綢使筒旋轉可與皮包相摩  
擦柱下立脚處作小推槽貫以旋釘令進退移動自如以為摩  
擦輕重之節又用一玻璃竿竿上鑲一橫銅管兩頭圓渾無稜  
全身光滑無疵旁設銅梳一張梳背着于銅管梳齒置向玻璃  
筒右相離分許臨用時以精錡二分錫粉一分水碾六分合而  
鎔化俟冷成末調以猪油敷于皮包然後搖動玻璃筒即與皮  
包緊相摩擦則電氣隨之而過其玻璃之電氣為增是名為陽  
皮包之電氣為減是名為陰由是透人梳齒積聚于銅管之間  
蓋因梳齒尖銳電氣易以引人而玻璃竿不傳電氣所以銅管  
之電氣聚而不洩是為獨陽名曰大引又法以一玻璃輪徑闊

二尺許厚約三分上下夾以皮包包側鋪以絲綢中作樞柄  
以轉之則電氣聚于輪旁銅管其所聚之處亦曰大引若掛一  
鍊于大引某甲以右手執之其皮包後之鍊某乙以左手執  
之某甲左手與某乙右手相觸電氣即從之而過聲光並出甲  
乙一時抽搐遍體酥麻若加以百人千人亦然或用一玻璃瓶  
以錫箔裡外裹貼瓶身蓋以木片用一銅竿自蓋插至瓶底  
竿上作一小銅球圓如金以大引之鍊接之則電氣由銅竿透  
入瓶內錫箔而其外為玻璃所隔電氣不能洩散故瓶內之錫  
為電氣之獨陽若人以一手執瓶外錫箔以一手觸銅竿上球  
即覺渾身顫搖蓋銅竿及瓶內之電氣為陽而瓶外裹錫之電

氣爲陰、內外陰陽、無由傳和、故藉人身以爲傳引之路也、如另製一銅鉗、鑲玻璃爲柄、鉗之兩端亦各有一銅球、以手把握鉗柄、令上球與瓶頂之球相觸、令下球與瓶外所裹之錫相觸、則瓶中電氣可由銅鉗傳出瓶外之錫、而其人不覺搖擗矣、此因製以玻璃、故電氣不能透入而過。是之謂電機器。西國有傀儡之戲、亦以電氣爲之者、其法用二銅版、上版連大引、下版安桌上、中置道紙人物數事、手舞足蹈、大有可觀、蓋因上版電氣欲由紙人傳入下版、或推或引、必令電氣上下均齊而後止、其推引之理、詳現下文、又有用一橫杆、掛于大引之下、杆之兩端以鍊懸兩銅鈴、杆之正中以絲線爲貴懸一銅鈴、鈴之內以銅鍊引連于地、鈴之

側、另以絲線懸兩彈子以間之、電氣自大引傳落旁鈴、旁鈴攝引彈子、既引復推、傳于中鈴、山中鈴鍊子下傳于地、彈子一推一引、與鈴相觸、擊其聲叮叮然、如人搖鈴焉、又有立一銅架、一直幹四橫枝、各加屯字於其上、皆尖其端、令可旋轉、以大引之鍊、接于幹下、則電氣自大引來者、必由屯字尖端洩出、故屯字自行退轉、旋如孩子風車、若置之黑暗處、所每尖皆噴白光、火點燦若星球、然此皆爲玩耍之具、未若通傳信息之爲要且奇也、英吉利京與佛蘭西京、遠隔千餘里、自有製造電氣之法、兩國間、數刻卽通、談如覲面、計亦妙矣、其法在英京建一電氣局、佛京亦建一電氣局、局中各設一電機器、彼此以鐵線相傳、

自英國連至佛國、在陸則附于火輪車道、以絲棉等物纏繫之、百步立杆、每站設墩、以接綜引、在海關此海關約則繩沉于底、製樹津筒套而護之、歷久不銹不壞、其機器之側、設鐘鈴以報聲、機器之上、設羅輪以報字、羅輪者、斷滑木為圓板、環列二十六字母、西國文字、獨用二十中鑿圓孔、容樞銜、鍼如時辰鐘錶之面、令鍼可隨電氣旋轉、又法以彎鐵作機較、藉電氣作點畫、亦為報字妙法、凡臨用之時、先使電氣撞鐘為號、聽者知有事、報遂執簡而往、隨鍼指寫、輯續成書、快如口授、近年泰西邦國、多于本轄郡部、遞設電氣機局、上事則省却驛傳之煩、商賈有速知貨價之利、一勞永逸、朝野賴之、予聞中國有隔壁敲語之法、誠

以此法施之、電氣機局、首傳取音、次傳取韻、合音韻二字以為反切、切則△字、卽扣鐘聲、斷其平仄、一扣為平、二扣為上、三扣為去、四扣為入、字字不離乎平上去入、聽者自能按鐘聲而知其所指矣、又法或刻字為羅輪、內層寫二十四音、外層寫三十二韻、中銜兩鍼、大鍼指韻、小鍼指音、另用一長鍼、指平上去入、其法更捷、此皆電氣傳信之計也、然尚有奇于此者、如華人以金木水火土為五行、謂萬物皆由之化生、以西人考究物類之元質、為數五十、有六五行、原不足以盡之、卽如五行之內、亦有非為元質者、今舉一二畧言於後、夫土之為物、種色甚夥、隨在考之、每見多有一金一氣相合而成、試以石灰或礬石或青鹽

或驗等以水融化置之電氣陰陽二線之間必分其金在一邊  
分其氣在一邊令人一目瞭然  
胆礬之中有紅銅有酸料若以電氣二線試之亦各分為一邊  
 又水質之中亦二氣相合而成若以玻璃筒貯水塞以木栓入  
 電氣陽線于左入陰線于右筒內之水即化為兩多一寡一  
 向陽線一向陰線又法將一大玻璃盅底穿二穴各以寸銅而  
 貫塞之半入盅內半在盅外外半各有一孔一含陽線一含陰  
 線內半亦各有一孔均含短黃金一條另覓二小瓶並覆于盅  
 裡黃金條上貯水以清為貴滿盅水即變氣隱聚于二瓶之內一分  
 向陽線二分向陰線而水茫然不見矣若以二蓋掩其瓶而反  
 之可以分貯二氣不散不壞後再以此法撮合二瓶之氣復能

此說恐非

實恐白誤

成水如初又有用電氣製鍊字畫銅板之法其有舊樣者即以  
 白蠟印舊樣為模若作新樣者即以白蠟捻成一版畫工用刀  
 筆劃刻山水人物于蠟版上畫成之後再以黑鉛屑薄糝劃痕  
 乃用鐵線一條長約一尺一端穿插蠟版一端穿繫精錫數片  
 復用清水兩盤一浸蠟版一浸精錫精錫之盤調以強礮水蠟  
 版之盤撒胆礬浸之精錫為強水所化即有電氣發出由鐵線  
 傳遞于胆礬水中胆礬被電氣所過礬質漸化即有紅銅結積  
 于蠟版上礬盡加礬水潤添水紅銅漸積漸多三數日後銅版  
 厚結二三分許取出刮去白蠟則銅版錚錚鏗然如爐鑄斐然  
 如剗刷凹凸成章幾疑其有鬼斧神工之妙也又有某醫院時



值剖驗死者、試以電氣陰陽二線觸其筋絡、僵尸手撐足搐、突  
 然起立、睜眼聳鼻、嚼齒張唇、狀貌猙獰、生徒皆掩面却走、再試  
 以猪首牛頭、亦皆蠢動可畏、由此推論、可知地上萬物、皆有電  
 氣在其內、特未得其法、則隱而不顯、人自不覺耳。  
 夫電氣之性、有陰有陽、或推或引、其理甚奧、當其傳也、必引之  
 使近、犯其性也、必推之使離、緣其為性、陽合陰為和、陽合陽為  
 犯、陰合陽為和、陰合陰為犯、凡物無大小、必有電氣、電氣無大  
 小、自具陰陽、故渾然一物、由陰而陽、必有陰陰相遇、由陽而陰、  
 必有陽陽相遇、此所以有和必有犯、有近必有離也、然亦有陰  
 陽各別、終近而不相離者、如五金傳引電氣、以鐵性為最易、蓋

鐵中元質、自能分傳電氣陰陽之性、故磁石亦能吸攝鐵物、實  
 因磁石本質、分稟電氣陰陽之性、非如他物渾然稟受、且其中  
 具有鐵質、是彼此均能分別電氣陰陽、所以一遇即能相引而  
 不相犯、有不信者、可將琥珀片或玻璃條、用乾燥羊毛磨擦一  
 邊、此磨擦處、便有電氣發出、即能攝吸毛髮棉花片紙及他輕  
 物、仿如磁石吸鐵之力、但一吸即推、復吸復推、必致調和而後  
 止、惟以紫梗與玻璃相較、紫梗推物、則玻璃吸物、玻璃推物、則  
 紫梗吸物、勢必互相推吸、然皆不能分其孰陰孰陽、或以鐵針  
 經磨磁石者、乘以木片浮放水中、定必一端向北、一端向南、蓋  
 北屬陰、而南屬陽故也、凡羅盤指南鍼、亦為此理、指南鍼者、乃

用鋼柱一條，中分兩端，以一端磨取磁石陽氣，約磨十次，則其勢指北，一端磨取磁石陰氣，則其勢指南。既磨之後，此鋼遂成吸鐵，其力尤勝磁石。嗣後有欲製造指南鍼者，便以此鋼磨之，其氣永不消滅。蓋鋼之元質未得磁石為引，則電氣隱而不現，既得其引，便長顯而不能復收矣。鐵質則不然，氣至則吸，氣過即止。但製造吸鐵之初，其鋼宜彎而不宜直，因直鋼防其兩端走氣。若用彎鋼，須另以片鐵約束其口，使其氣環行不絕，可以久藏不變。最忌火燒水漬，或跌擲敲擊，或陰陽相犯，此蓄吸鐵之法也。凡以一鐵條橫懸日久，自然一端向北，一端向南，遂成吸鐵。又以鐵條直懸日久，在赤道以南，則一端屬陽為指南，一端屬陰為指北。

亦成吸鐵。若在赤道以北者，反是。又以鐵錘擊鐵條，也有些小吸氣發出，此皆電氣陰陽之據也。致若電氣推引之理，即以吸鐵便能試驗。凡以吸鐵一條，其後引鐵釘一枚，鐵釘之後引小釘一枚，小釘之尾引鐵針一枚，順其陰陽相引，故皆串行粘着。蓋針釘皆得吸鐵陰陽之氣使然。若將一釘驟行倒置，則眾釘立即推離。又法以吸鐵兩條相並，順其陰陽之性，則引倒其陰陽之性，則推。又法桌上置一吸鐵，以紙蓋之，糝鐵沙于紙上，當吸鐵兩端，鐵沙皆成旋文形。又法中置吸鐵一條，四圍多置鐵針向之，近吸鐵兩旁之針皆直，其近兩端之針亦作旋文形。蓋吸鐵之端為陰，則眾針相近之處必為陽，其向外之端必為

陰、眾針以陰端犯陰端、故相推而爲旋文形也。又以木板兩片、浮于水面、一板置一呆鐵、一板置一吸鐵、人另執一吸鐵近之、則呆鐵來執、一呆鐵近之、則吸鐵來。若執吸鐵引吸鐵、必須以陽端引陰端、或以陰端引陽端、方能粘攝。如以陽近陽、或以陰近陰、必相推開。此乃電氣推引之據。西國航海之客、莫不深識此理。彼渡數萬里重洋、綠水茫茫、歷盡天涯海角、而弗迷者、亦憑羅盤一指南針而已。凡船上鐵器多及雷震、時指南針每亂行。第羅盤在赤道之時、其針平指南北。若離赤道迤北、則其針漸斂于北。漸北則漸斂漸低、及抵北極、其針斂極而直豎。若由赤道迤南、其針亦漸斂于南、及抵南極、其針亦斂極而直豎。故洋船羅盤必于針

旁墜鉛以稱其斂也。惟究其斂之之理、實因大地圓渾如球、中有無量電氣、攝吸山川人物、使之不散不亂。渾如宇宙間一大磁石、北極爲真陰、南極爲真陽。亘古不紊。卽如指南針小物、亦當與地相陰陽、不能以其指南、遂實作爲陽端。蓋地之南極爲真陽、而鍼之本質應爲陰端、方合陰陽相引之理。

西人製電氣之初、尙未知與天空雷電同性。有博物者、當密雲雷電時、以麻線放一紙鳶、線尾以鐵匙繫之。見線上麻絲條條直豎、試以指節觸其線端、果有星火爍指、遍體搐顫。遂將機器較驗、歷試不爽。後有某公、亦以紙鳶量度雷電、欲知其氣勢、幾何。偶因失察、竟被震死。以是西國有避雷之法、各于樓房屋背、


插鐵針一枝，自針脚以鐵條引出牆外，直透入地，其鐵線之外，不使鐵線與牆壁粘着，不爾是欲避之而反引之耳。使針尖攝引雷火，由鐵條而落，則人畜屋器，可免震擊之患。凡戰艦檣桅，亦用鐵線引使入水云云。大洋之洲有電氣魚，形如鰻鱻，或名木人若以手把捉魚，怒振尾，即有電氣發現，令人遍體驚顫，彼藉此以自衛，飢蛟饒鱷莫敢近焉。

博物新編一集終

老白館發兌書目

博物新編	全三集	正醫畧論	全四冊
地球說畧	全三卷	內科新說	全三冊
聯邦志畧	全二卷	婦嬰新說	全二冊
六合叢談	一六卷	佩斯達馬	坤非老主釋全部 百卷餘選，此卷
香港新聞	八冊	萬國公法	全六冊
中外新報	數卷	明百原論	同 全一冊
中外雜誌	數卷	英和辭書	大本一冊
航海輿地圖	壹冊	英文辭	一冊

右之外如未盡身之書，凡外醫學所請，士士翻譯醫書，并  
 附英法德日、川、行、希、四、子、諸、君、了、多、披、閱  
 元治甲子丁巳  
 中耶聖川三之編  
 萬曆  
 兵四部



博物新編

集